

KA LAMA HAWAII.


HE MEA IA E HOOLAHA IKE, A HE MEA HOI E PONO AI KE KULANUI.

I naau po ka uhane, aole ia he maikai. NA SOLOMONA.

Makahiki 1.

MAUI LAHAINALUNA MARAKI 28. 1834.

Helu 7.



HE LIO.

NO KA LIO.

He mea banohano ka Lio, ua nani kona helehele. Ua kieke kona poo, ua pio maikai ka ai, ua loihi ke kino, ua wiwi na wawae, ua ikaika nae a ua hinuhinu maikai konaoho.

He mea haaheo ka Lio, ua lokomaikai nae. Ua ikaika ia, i ke kano i ke kaa, a i ka lawe i ke kanaka ma kona kua. O kona mau kapuai, oia kona mea e pale aku ai i ka hewa. Ua makemake ia i ka ululaau. Ina i pulu i ka hou, alaila kaa no ia ma ka lepo, a e hea aku no ia i kona hoa ma kona uwe ana.

He umikumamalua ona niho, eha ole, a he wakalua kui.

He elele kekahi Lio, he keokeo kekahi Lio, he ulaula kekahi, he kikokiko kekahi, he olenalena kekahi, he ahinabina kekahi, a nui aku no ke ano.

O ka pipi wale no ka mea i oi aku kona maikai mamua o ko ka lio.

I ole ka lio, alaila, aole hiki na halekaa, a me na kaa, a me ka holo wawe o ke kanaka ma kahi loihi. I ole ka lio, aole hiki wawe na eke palapala ma na aina naauao, a e lohi no hoi na hana, a me ka mahi ai ana, a me ka lawe ukana ana, a me ka holo ana o na waapa ma na muliwai i elii.

Ke ola la no ka Lio ma na aina a pau, kaikaiki na aina i koe. He kauwa maikai ka Lio; poino na aina ke loa ole.

Ma na ululaau ma Afrika, a ma Amerika Akau, holo wale na Lio hihii he nui loa, he mau haneri no ma kahi hookahi. E hele pu no lakou, no ko lakou aloha kekahi i kekahi, a he mea hoi e hiki ai ke pale i ka hewa, ke kii ma kekahi ilio hae ia lakou.

O ka Elepani a me ka ilio maoli, o lana wale no na mea i oi aku ka lakou ike mamua o ka lio. E hiki no ke ao aku ia ia, e moe, a e ala mai ma ka olelo ana a ke kahu, a e hele aku, a hoi mai, a e hana i na mea he nui loa.

No Arabia na Lio maikai loa. Ua lillii no, aka, ua maikai, ua mama, ua laka, a e helo no ma kahi loihi loa me ka hoonaha ole. He poe Lio lokomaikai loa lakou, aole paupauho.

Ua olelo ia, he lokomaikai ko Arabia i ka lakou li, a nolaila ka lokomaikai mai o ko laila lio. I ka wa i uuku ka lio, malama no lakou, a olelo lokomaikai aku, a ao aku ia lakou e paani a lelele pu me na kamalii. Aole lakou e hahau i ke kaula, e like me ko Beritania a me ko Amerika a me ko Sepania, e malama e like me ka malama ana i ka makamaka. I kekahi manawa, moe pu no na keiki o ko A-